

清末民初
史料叢書 第四十六種

據清·光緒二十三年刻本影印

清·岑毓英撰

岑襄勤公奏稿
三十卷
(四)

成文出版社印行

中華民國五十八年八月十一版

岑襄勤公奏稿 三十卷 全四冊

定價：新台幣一、〇〇〇元正

發行人：黃 成 助


出版者：成 文 出版 社
臺北郵政信箱二二六〇五號

臺北郵政信箱二二六〇五號
永和鎮永和路一段一三五巷12弄14號
電話：九二二〇一〇〇號

印刷者：正 大 印 製 廠

三重市長生街二號之一

內政部登記證內版臺業字第一一四七號



添兵截斷宣光法援招撫降日收復美良縣摺

十

二月初十日

奏爲添派官軍圍攻宣光截斷法援並招撫降日王玉珠等收復美良縣地方恭摺仰祈

聖鑒事竊

臣

於光緒十年十一月二十日曾將官軍開

仗獲勝暨先後收復各府州縣地方恭摺奏報在案

臣

拜摺後調記名提督鄒復勝由館司回文盤州督飭各營勤加操防以固後路

臣

於二十八日帶同辦理營務

道員湯聘珍李鳳書等拔來館司關駐紮挑選各營精銳分三千六百人交記名提督何秀林統帶前往宣光協同提督劉永福堵截敵援又以候選同知潘德繼新

募粵勇一千二百人撥歸五品卿銜主事唐景崧兼統與所部景字各營同記名總兵丁槐所部三千六百人協力攻城又以記名提督楊國發帶一千二百人防守道岸浪泊與夏和清波各營聯爲一氣現在唐景崧各營紮於宣光城之北面丁槐各營紮於城之西南面均逼城而壘敵亦於城外紮地營多處安置地雷以拒官軍東門緊在河邊城外有市廛名三歧庸法防守堅固河中有敵輪三艘板船數十隻近日河水已落敵輪難於來往僅以小船竹舟偷運糧米軍火昨據劉永福等稟報又奪獲小船一隻竹舟五隻殺敵十餘人何秀林現由東南面擠紮多營四面合圍惟城內土山建有鐵

礮臺法人常駐其中爲死守計克城固難而破此礮臺
更不容易臣擬飭各將領多開地道密置地雷直抵城

腳礮臺實以火藥冀可轟壞本年三月內有劉永福部

下頭目王玉珠因與黃守忠不睦在宣光從敵經臣密

諭乘便立功贖罪旋因法酋將該頭目調守河內多士

屯久未得便現據稟報於十一月初七夜焚敵營一座

殺三畫法酋一人法兵三人奪小開花礮四尊來至山

西省屬之美良縣地方與該處頭目黃功詠陳二記會

合紮營防守等情臣現派軍功湯宗政領所帶粵勇順

解賞號軍火馳往接應並以王玉珠黃功詠陳二記湯

宗政四人所帶粵勇士勇立爲義字中左右前四營照

滇軍章程支給口糧令其由美良時出游兵以牽敵勢
又有越南山西山義衛正領兵張文擎永眞社頭目阮
文美等均不肯從賊各領數百人來歸臣亦準各立一
營酌給口糧以廣招徠續募滇粵各勇已到一半其餘
新正可到擬再挑派三四千人由緬旺過十洲河用王
玉珠等爲鄉導相機進取俟宣光克復聯合廣西各軍
卽會商撫臣潘鼎新出奇兵由美良縣一路規取甯平
南定以達越都惟臣軍現出關十數站深入重地糧饟
時患匱乏雖賴兩廣督臣張之洞顧持大局借款分給
而屈計水陸程途約在來年二月始能解到卽
恩賞劉永福銀五萬兩經臣飭廣南營參將何秀楨派

署守備王河清帶兵往百色接解年內亦不能至營四

川督

臣

丁寶楨公忠體

國力籌接濟前接來函許於已匯解銀十二萬餘千兩
外年內再籌解銀十萬兩能否赶到尙未可定其餘各
省協饒報解寥寥關外辦事之難早邀

聖明洞鑒

臣

惟有殫竭愚忱實力籌辦以期仰答

高厚於萬一所有添派官軍圍攻宣光並收復美良縣
地方各緣由除先行電奏外謹恭摺由驛馳陳伏乞

皇太后

皇上聖鑒訓示謹

奏

遵探法援將至穩慎戰守片

同日

再臣

正繕摺間接兩廣督

臣

張之洞電開承準總理各

國事務衙門電寄光緒十年十一月二十四日奉

旨曾紀澤電稱旁報法新兵卽酋派六千兵躡越另派
六千續往擬乘雨潦前逼我軍出越又云擬取道陸岸
繞北里華兵之後使不戰自潰西人以我兵心易亂慣
用此間道等語敵情叵測著岑毓英潘鼎新嚴備並力
籌攻取彼如繞出北里正可斷其歸路出奇制勝須相
機妥辦張之洞催馮子材王孝祺兩軍迅速到防欽此
伏查近來探報敵援已先到一起分爲兩股一股往諒
山一股紮屯鶴關一帶欲救宣光並聞藩司王德榜所

部楚軍有失利之說

臣

恐傳聞不確昨接兩廣督

臣

張

之洞電報始知果有是事今敵援正接踵而來勢頗猖獗

獮

臣

惟有懷遵

聖訓督同各將領穩紮穩打步步謹慎不敢稍有疏懈

謹附片具陳伏乞

聖鑒謹

奏

劉永福軍饗由滇劃撥片

同日

再劉永福三千人素無專饗每月由滇給銀五千兩不敷開支今滇軍月饗已蒙

天恩由各省按月撥解

臣

擬請將劉永福各營饗項概

歸

臣

軍月饗劃撥支發以廣

皇仁查浙江省每月應解滇軍新舊月饗共銀三萬三千兩擬全數撥爲劉永福專饗就水路之便解歸廣東由兩廣督

臣

張之洞按月發給劉永福銀一萬七千兩照滇軍章程給以十營共銀一萬六千三百餘十兩可

養兵夫四千餘人以供劉永福三千餘人有盈無絀其餘六百餘十兩爲劉永福統費及黃守忠吳鳳典兩督

帶公費俾饒有著落軍心愈固如浙省能全數解足所
餘之項即可代辦軍火軍裝現在浙饒未到臣無論如
何爲難仍隨時通融接濟除電商兩廣督臣張之洞酌
覈電奏請

旨辦理外謹附片具陳伏乞

聖鑒訓示謹

奏

官軍盡平宣光城外營壘逼開地道摺

十二月二

十七日

奏爲官軍連日血戰將宣光城外敵營概行掃除現已逼城開挖地道恭摺仰祈

聖鑒事竊

臣

於光緒十年十二月初十日曾將添派官

軍進攻宣光並招安王玉珠收復山西省屬之美良縣地方各情恭摺奏報在案查宣光城外村寨敵均紮有營壘礮臺扼要抗拒必須先行掃除攻城方易得手

臣

督飭記名總兵丁槐設法攻取該總兵帶同所部各營員弁紮連營十數座圍逼南門外敵營約會五品卿銜主事唐景崧記名提督普洱鎮總兵何秀林出隊合擊

十一日五鼓丁槐帶所部營官副將木逢春都司王世雄攻大寺敵營副將李福興參將陸鳴皋攻大寨敵營均於黎明填濠挖牆而進法人倉卒迎敵總兵黃河洲游擊張世榮參將謝有功游擊馬中馭都司何儒林馬起鴻楊春標等分帶各隊左右抄擊敵兵死傷百餘紛紛潰散立將敵營攻破城內法人啟東門大股出來救援主事唐景崧督率所部營官參將王寶華張金泰談敬德都司盧貴鄒培等帶隊由北門橫擊提督何秀林督率所部營官副將李章參將馬維騏姜開貴等帶隊由東面夾攻同丁槐會合與敵惡戰粵軍營官談敬德中礮陣亡王寶華盧貴俱帶重傷唐景崧督戰愈力瀕

軍陣亡哨弁馬白桂一員營官謝有功楊春標均帶槍傷何秀林丁槐在城邊督隊被法人開花礮彈炸死親兵十數人仍督飭各軍有進無退戰至亥刻敵死傷甚眾大敗入城因城邊尚有敵營礮臺丁槐與唐景崧何秀林會商各督所部弁勇一面紮營圍攻一面開挖地道以草捆更番疊進至十五日午刻翻抵敵營濠邊丁槐督同所部營官陸鳴皋邵洪盛等哨弁楊鍾祥等帶隊填濠敵傾城出救唐景崧何秀林復督隊夾攻法人槍礮如雨官軍奮不顧身併力兜剿斃法兵五六百人敵大潰當將城邊敵營礮臺一概掃除生擒逃匪二百餘人救出難民一千餘人據供城內法酋有五畫一名

一畫至四畫各三名十一日之戰五畫已中礮斃又斃
一畫二名四畫一名法兵斃數百名教匪死傷尤多十
五日之戰法酋法人死亡甚多敵膽已寒我之滇軍陣
亡營官都司何天發哨弁桂尙朝滇軍粵軍共陣亡勇
丁一百餘名帶傷勇丁二百餘名而將士奮勇爭先銳
氣百倍自十五日至今官軍皆在城邊晝夜開挖地道
並未收隊敵由城垛以鐵鉤官軍旂幟被官軍奪鉤以
槍狙擊敵不敢露面死守城內鐵礮臺多用洋料瓶裝
書用蠟封口由城河流出欲往河內等處催趕援兵皆
爲官軍截獲敵勢極爲窮蹙臣又派督帶開花礮隊記
名總兵雷應山副將陸得成解礮前往並函商唐景崧